



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Conuerso subulco & arbore eius meritis scissa, cap. 54.

urn:nbn:de:hbz:466:1-13177

*Miracu-
lum obie-
tum hu-
militate.*

Lifardus, cuius memini in dist. 4. cap. 4. Conversus fuit in Hemmentode: hic, cum esset homo bene natus, ut per humilitatem amplius mereretur, porcos monasterij pascere non despexit, immo precibus idem officium obtinuit. Die quadam, cu iuxta nemus gregem porcorum pauiisset, vidit ibi duas arbores quae de uno trunko processerant: cui cu una placuisset, dixissetque in corde suo, Deus quam idonea esset haec arbor, ad alueos porcorum, mox cedit, ac si securi succisa fuisset. Ecce, non oranti, sed cogitanti, lignum obedivit. Haec de humilitate: audi aliud miraculum de castitate.

*Aliud ca-
stitate.*

Alardus nouitus noster, sicut ipse mihi retulit, habuit materteram, nomine Iuttam, quae ante conuersionem, licet corpore fuisset casta, gestibus tamen nimis ostendebatur leuis ac lasciuia: erat enim nubilis. Haec cum die quadam cum sororibus luderet, germanus eius, magnus grauitatis clericus adfuit: qui dolens de sororis leuitate, silicem solidissimum de flumine tulit, & ait: Prius scindetur lapis iste in manu mea, qua soror mea Iutta stabilis sit ac monialis. Deus vero, ut ostenderet hominem non esse iudicandum secundum faciem, mox silicem in manu eius scidit: quod ubi illa comperit, tum verbo fratris, tum miraculo lapidis, cōpuncta, nuptiis aeculo valedixit, & in claustro sanctimonialium, cuius vocabulum est Bethbuer, religionis habitū suscepit, eundem lapidem, usque hodie, in testimonium castitatis atque cōuercionis suae reseruans. Haec dicta sunt de elementis. Placet nunc audire aliquid miraculoso de his quae in illis mouentur, aibus scilicet, piscibus, animabilibus, ac reptilibus. A POLLONIVS: Placet. CESARIVS: Quod dicturus sum, utrum scriptum sit an non, ignoro: ego enim illud non didici ex lectione, sed ex cuiusdam viri religiosi relatione.

